

Breve Catecismo

DE LA

DOCTRINA

CRISTIANA

traducido al mexicano

POR DON

Antonio Vazquez Gastelú.

NUEVA EDICION.

Aguilar Mendoza y Compañía,
EDITORES.

ORIZABA.

—
IMPRENTA POPULAR, JUAN C. AGUILAR.

—
1888.

Breve Catecismo
DE LA
DOCTRINA
CRISTIANA
TRADUCIDO AL MEXICANO
POR DON
Antonio Vazquez Gastelu
NUEVA EDICION.
Aguilar, Mendoza y Cia.
EDITORES.
ORIZABA.
IMPRENTA POPULAR, JUAN C. AGUILAR.
1888.

BREVE CATECISMO

DE LA

DOCTRINA CRISTIANA

TRADUCIDO AL MEXICANO

POR

Don Antonio Vazquez Gastelu,

NUEVA EDICION.

AGUILAR, MENDOZA y C.^A

EDITORES.

ORIZABA.

IMPRENTA POPULAR, JUAN C. AGUILAR.

1888.

ES PROPIEDAD.

R

BREVE CATECISMO

de lo que precisamente debe saber el cristiano
para salvarse,

DISPUESTO EN LA LENGUA MEXICANA.

El persignan crucis.

Ipampa in imachio in Cruz in ihuicpa
in toyaohuan maxitechmomaquixtili tole-
cuiyoé, Diosé, icatzineo in itocatzin, in
Dios Tetatzin, ihuan in Dios Ipiltzin,
ihuan in Dios Espíritu Santo. Maih mo-
chihua.

Izcatqui in Totatziné.

Totatziné in ilhuicac timoyetztica, ma-
yectenehualo, in motocatzin, mahualauh
in motlátocayotzin, machihualo in tlaltic-
pac in motlanequilitzin, in iuh chihualo
in ilhuicac. In totlaxcal momoztla é, to-
techmonequi ma axcan xitechmomaquili,

ihuan ma xitechmotlapópolhuili in totlátlacol in iuh tiquintlapópolhuia in techtlatlcalhuia, ihuan macamo xitechmoma-cahuili, inic amo ipan tihuetzizque in teneyeyocoltiliztli zanye maxitechmomaquixtli in ihuicpa in amoqualli. Maih mochihua.

Izcacqui in Santa Maríaé.

Maximopápaquiltitié Santa Maríaé, timotemiltitica in cenquizca yectiliztica gracia, monahuaetzinco moyetztica in Teotlatoani Dios, cenca tiyetenehualoni intlan in ixquichtin cihua inhuan cenca yetenehnaloni in itlaaquillo moxilantzin Jesus. Santa Maríaé Dios inantziné, ma topan ximotlátolti in titlátlacoanime, in axcan ihuan iquac ye tomiquiliztempa. Maih mochihua

Izcacqui in nelteconi.

Nicomoneloquitia in cenhuelitini Dios Tetatzin, in oquycecox oquimochihuili in ilhuicatl ihuan in tlaticpaetli. No nicomoneloquitia in Jesueristo in zan huel iceltzin Ipilzin ihuan totlátocatzin, ca omonacayotitzino itlamahuizoltica in Es-

píritu Santo, auh itech omotlacatilitzino in Santa María nochipa huelnelli ichpotzintle. Auh omotlaihyohuilti itlátocayopan in Poncio Pilato Cruztitech, quauhnepanoltitech omámazoaltiloc, omomiquili, ihuan otococ, auh omotemohui in mictlan, ei ilhuitica omonómaizcalitzino intlan in mimicque: omotlécahui in ilhuicac imayauhcampatzinco mehuiltitica in Dios Tetatzin, auh ic ompa hualmehuitiz in quinmotlatzontequililiquih in yolque, ihuan in mimicque No nicomoneloquitia in Dios Espíritu Santo, ihuan in Santa Iglesia Católica, in innecepanieneliliz in Santóme, in tlátlacolpópolhuiliztli, in inezcaliliz in tonacayo, ihuan in cemicac yoliliztli. Maih mochihua.

Izcacqui in cihuapillé.

Ciuapillé, maximopápaquiltitie, toteleocoliliznantziné, toyolilizé totzopelilizé, tonetemachializé: maximopápaquiltitie, timitzmozátzililia, in titlatotocin, in tipilhuan Eva, mohuictzinco tonelcicihui, tziuenoliztica, ihuan choquiztica in nican choquiz ixtlahuacan. Macuelé, totepan tlátocatziné, ma tohuicpa xichual-

mocuepili in mottleocoliliz ixtelolotzin. Auh in ye otzonquiz in tlatcpac tototococa, maxitechualmottitili, in cenquizea yectenehualoni Jesus, in itlaaquilo in moxillantzin. Iyo icnohuacatzintlé, iyo Tlátlacatzintlé, iyo Tzopelicaichpotziutlé, Santa Maríaé, matopan ximotlátolti, Dios inantziné: inic tiquienopilhuizque in itlatenehualtzin in Jesucristo. Mai mochi-hua.

Izcatqui in Teotenahuatilli.

In itenahuatiltzin in totecuiyo Dios ca mâtactetl; in etetl achto motenehua itet zincopohui in imahuiztililocatzin in totecuiyo Dios, auh in oc chicontetl itech pohui in impalehuiloca in tohuampohuan.

Inic centetl, ticmotlazôtiliz in totecuiyo Dios, ipan nochi in ixquich in quexquich tlachihualli.

Inic ontetl, amo tictlapictenehuaz in itocatzin in totecuiyo Dios.

Inic yetel, titlateomatiz, ipan ilhuitl pialoni, amo titlatequipanoz.

Inic nauhtetl tiquinmahuiztiliz in motâtzin inhuan in monantzin.

Inic macuiltetl, ayac momacmiquiz.

Inic chiquacentetl; amo tâhuilnemiz.

Inic chicontetl, amo titlachtequiz.

Inic chicuetetl, amo titetentlapiquiz, amono tiztlacatz.

Inic chicnauhtetl, amo tiquelehuiz in tenamic.

Inic mâtactetl, amo tiquelehuiz in tlatqui.

Inin mâtactetl, tenahuatilli, itech ontlamantli teotenahuatilli centzauctoc, yehuatl inic, ticmotlazôtiliz in totecuiyo Dios, ipan nochi in ixquich in quexquich tlachihualli, ihuan inic tiquintlazôtlaz in mohuampohuan in yuh timonôma tlazô-tla. Maich mochi-hua.

In itena huatiltzin in Tonantzin Santa Iglesia ca macuiltetl.

Inic centetl in Domingo, ihuan ilhuitlipan huel cemacitica Misa mocaquiz.

Inic ontetl, neyolmelahualoz ipam in Quaresma, anozo ihquac aca ye miquiznequi: anozo ihquac celiloz in Inacayotzin in Totecuiyo Jesucristo.

Inic yectetl celiloz in Inacayotzin in

Totecuiyo Jesucristo in ihquac xochipás-cua.

Inic nauhtetl nezahualoz in ihquac motenahuatilia in Tonantzin Santa Iglesia.

Inic macuiltetl, tlamanaloz in tlamâ-tlactetilia, in itoca Diezmos, ihuan in tlein yancuican mochihua in itoca Primicias. Maich mochihua.

Izcatqui in Teoyoticapátli Sacramentos.

In Isacramentotzin in Tonantzin Santa Iglesia, ca chicontlamantli.

Inic centetl, yehùatl, in Nequaatequiliztli.

Inic ontetl, yehùatl, in teoyotica Techicahualiztli, nequailpiliztli, Confirmacion.

Inic yetetl, yehùatl, in neyolmelahualiztli.

Inic nauhtetl, yehùatl in icelilocatzin, in inacayotzin in Totecuiyo Jesucristo.

Inic macuiltetl, yehùatl in teoyotica temachiotiliztli, ic tomiquiztempam timachiotilo.

Inic chiquacentetl yehùatl in teopixcayotl.

Inic chicontetl, yehùatl in teoyotica nenamiciliztli. Maich mochihua.

Izcatqui in ineltococatzin in Totecuillo Dios.

Camatlactetlonnahui. In chincontetl itetzinco pohui in totecuiyo Dios inic Teotl. Auh in oeno chicontetl itetzinco pohui in totecuiyo Jesucristo inic oquichtlacatzintli.

Izcatqui en chicontetl itetzinco pohui in Totecuiyo Dios inic Teotl.

Inic centetl neltocoz, in icel Teotl Dios ca Cenhuelitini.

Inic ontetl neltocoz, ca Tetatzin in Totecuiyo Dios.

Inic yetel neltocoz, ca Ipiltzin in Teotl Dios.

Inic nauhtetl neltocoz, ca in totecuiyo Dios, Espíritu Santo.

Inic macuiltetl neltocoz ca Teyocoyani techiuhqui.

Inic chiquacentetl neltocoz, ca Temaquixtiani.

Inic chicontetl neltocoz ca Tenecuilto-noani.

Izcatqui in oeno chicontetl itetzinco pohui in Totecuiyo Jesucristo inie oquichtlacatzintli.

Inie centetl neltocoz, ca in totecuiyo Jesucristo omoquichnacayotitzino itlama-huizoltica in Espiritu Santo.

Inie ontetl neltocoz, ca in totecuiyo Jesucristo omotlacatilitzino itechcopatzinco in Santa María, auh ichpotzintli omocauhtzino inayamo motlacachihuilia-ya; auh ipan in itlacachihualitzin, ihuan zatepan ca ye omotlacachihui.

Inie yetetl neltocoz, ca in totecuiyo Jesucristo omotlahiyohuilti, ihuan omomi-quili inie otechmomaquixtilizquia in tilátlacoamme.

Inie nauhtetl neltocoz, ca omotemohui in mictlan, auh oquinmoquixtili in animas; inyolia in qualtin tetahuan in ompa oquimochialitcatca in itlazomahuiz hualalitzin.

Inie macuiltetl neltocoz ca yei ihuítica, omonómaizcalitzino intlan in mimicque.

Inie chicuacentetl neltocoz, ca ometlécahui in ilhuicac.

Inie chicontetl neltocoz, ca hualmohuicaz in quinmotlatzontequililiquih in yolque, ihuan in mimicque: inie in qual-

tin quinmomaquiliz in cemicac. Pápa-quiliztli Gloria, ipampa huel oquimopie-lique in itenahuatiltzin in Dios. Auh in amoqual tin quinmomaquiliz in cemicac tlaihyohuiliztli ipampa amo huel oquipix-que in itenahuatiltzin in Dios. Maili mochihua.

In tetlaocoliliz, teicnoittáliz tlachihualli ca matlactetlonahui.

In chicontetl itechpohui in tlacanemililiz palehuiliztli, auh in oc ochicontetl itechpohui in teoyotica nemiliz palehuilistle.

Inie centetl, ca tlápalolozque in cocoxcatzitzintin.

Inie ontetl, tetlaqualtiloz in apizmitoc.

Inie yetetl, atliloz in amictoc.

Inie nauhtetl temaquixtiloz in temacohuetz.

Inie macuiltetl, tlaquentilozin macatecatqui.

Inie chicuacentetl chanyotiloz in tepalzingo nemi.

Inie chicontetl, tlatozque in mimicque.

*Ixcatqui in oeno in chicontetl itechpohui
in teoyotica nemiliz palehuiliztli.*

Inic centetl machtiloz in amo ixtlamati.
Inic ontetl, yectlátolmacoz in huel
itechmonequi.

Inic yetetl teixcuepaloz nozo nemiiz
melahualoz in motlapololtia.

Inic nauhetel, tlapópolhuilozque in
techtlatlacalhuia.

Inic macuiltetl, yolaliloz, in tlaócoya.

Inic chicuacentetl, tlapapeca ihyohui-
loz, nochi in ixnamiquiliz tlamantli.

Inic chicontetl tetlatlauhtiloz in to-
teotzin in pampa in yolque, ihuan inmi-
micque. Maich mochihua.

Ixcatqui in Teotlátoltetlatlaniliztli.

Preg. ¿Ma xinechilhui quezquintin in
Teteo?

Resp. Ca zance huelnelli Teotl.

P. Campa moyetzica in Teotl?

R. Ilhuicac, talticpac, ihuan nohuian
yetztica.

P. Aquin oquimochihui in ilhuicatl
ihuan in taltiepacitli?

R. Yehúatzin in totecuiyo Dios.

P. Ac yeháutzin in Teotl Dios?

R. Yehúatzin Teoyeitiliztli in Santí-
sima Trinidad.

P. Ac yehúatzin in Teoyeitiliztli in
Santísima Trinidad?

R. Yehúatzin in Dios Tetatzin, ihuan
Dios Ipiltzin, ihuan Dios Espíritu Santo,
yeintzitzin Teotlácatzitzintin, auh zance
huelnelli Teotl.

P. In Tetatzin ¿cuix Teotl?

R. Quemacatzin.

P. In Ipiltzin ¿cuix Teotl?

R. Quemacatzin.

P. In Espíritu Santo, ¿cuix Teotl?

R. Quemacatzin.

P. Cuix eintin en Teteo?

R. Amotzin, ca zance huelnelli Teotl,
ihuan inmanel moyetzicate yeintzitzin
Teotlácatzitzintin itetzinco in Teotl zance
huelnelli Teotl mochiuhtznoticate ipampa
zanhuelcetzin iteoyelitzin.

P. Itchcopatzinco in yeintzitzin Teo-
tlacatzitzintin ¿ac yehúatzin oquitzintli
omochiuthzino?

R. Yehúatzin inic ontetl Teotlacat-
zintli in Dios Ipiltzin, ca in iquac ye oquit-
zintli omochiuthzino ticmotocayotilia Je-
sucristo.

P. Ac yehúatzin Jesucristo?

R. Yehúatzin in huelnelli Teotl, ihuan huelnelli oquitzintli.

P. Campa omoquichnacayotitzino?

R. Ichpochxilantzinco in Santa María, itlamahuizoltica in Espíritu Santo, auh ca huelnelli cematica ichpotzintli omocauhtzino ihuan Dios inantzin.

P. Tlen ipampa oquitzintli omochiuh-tzino in Dios Ipilzin?

R. Ipampa ic otechmomaquixtilizquia in titlátlacoanime.

P. Tlen oquimochihuili in totecuiyo Jesucristo nican tlalticpac inic otechmo-maquixtilizquia?

R. Ca topampatica omotlaihyohuilitzino itlätocayopan in Poncio Pilato, quauhnepanoltitech omámazoaltiloc omomiquili, ihuan otococ, omotemohui in mic-tlan, yei ilhuitica omonomaizcalitzino in-tlan in mimicque, omotlécahui in ilhuicac, imayauhcampatzinco inechuelitini Dios Tetatzin mehuilitica: auh ic ompa hual-mehuitz in quinmotlatzontequiliquiuh in yolque, ihuan in mimicque.

P. In ihquac quaunepanoltitech omomiquili in totecuiyo Jesucristo, ¿cuix omomiquili inic Teotl, anozo inic oquitzintli?

R. Amo omomiquili inic Teotl, ca zan ixquich inic oquitzintli omomiquili.

P. Auh in iquac miqui in tlaltipac tlaecatl, cuix ihuan miqui in iyolia?

R. Amotzin, ca zan ixquich miqui in itlalnacayo.

P. Cuix cemicac miqui in itlalnacayo?

R. Amotzin, ipampa ca in iquac aciz in tetlatzontequiliz ilhuittl, ocepa mocetiliz in inacayo, ihuan in iyolia, inic mozcaliz ihuan cemicac yoliz.

P. Campa yazque in qualtin iquac miqui in itlanacayo?

R. Ompa ilhuicac inic nochipa cemicac mopàpaquiltitiezque ipampa oquimopielique in itenahuatiltzin in Dios.

P. Auh in amoqualtin campa yazque?

R. Ompa mictlan yazque inic nochipa cemicac quihyohuizque in tecoco tetolini ipampa amo oquipixque in itenahuatiltzin in Dios.

P. Tlen quítoznequi Santa Iglesia Católica?

R. Ca quítoznequi innecentlaliliz in nochintin Cristianóme, in itzontecon mochihuitzintica in totecuiyo Jesucristo, auh ipatiltzin nican tlalticpac yehúatzin Santo Padre Sumo Pontífice in ompa moyetztica huei Altepepan Roma.

P. Ac yehúatzin moyetztica in itetzinco in Santísimo Sacramento?

R. Onca moyetztica in Totecniyo Jesucristo in huelnelli Teotl ihuan huelnelli oquitzintli, inyuh moyetztica ilhuicac.

P. Auh iquac titlazelizque tlen ticchihuazque?

R. Nezahualiztica tacizque ihuan neyolcuitiliztica in tla itla temictiani tlátlacolli ticpia.

P. Auh inic yecan timoyolcuitizque, tlen ticchihuazque?

R. Timoyolnonotzazque, tiquilnamiquizque in totlátlacol, auh in temiactiani tlátlacolli ticoyolcuitizque, neyoltequipacholiztica, necencahualiztica inic amo ocepa ticchihuazque.

P. Auh inic timomaquixtizque tlen ticchihuazque?

R. Ticmopielizque in mátlactetl iteotenahuatiltzin in Dios, ihuan in macuilletl itenahuatiltzin in Tonantzin Santa Iglesia, ihuan in ixquich in quexquich totechpohui ticpiazque, inic ticmoyectequipanilhuilizque, in Toteotzin.

omiquin in teotl, ahozo in oquitzintli?

Izcatqui in quenin mochihuaz neyoltequipacholiztli in motocayotia Acto de contrición.

Noteotziné, notlátocatziné, Jesucristoé, ca tihuelnelli Dios, ihuan huelnelli tioquitzintli, ca tinocenyocoxcatzin, cenca nechtequipachoa nochi ica in noyolo inic onimitzmoyolihltlacalhuili; zan ipampa Tinoteotzin, cenquizca timahuiztiloni cenca titlazotlalani ipan in ixquich tlachihualli. Onitlátlaco, cenca huel onitlátlaco, ma xinechmotlapópolhuilitzino. Ica in moteotechicahualitzin gracia nimo-cemixnahuatia, nimitzumaquilia in notlátol inic acmo ocepo nitlátlaco ihuan itetzinco nimotemachia in moteicnoittalitzin, ca tinechmotlapópolhuilitzinoz. Maih mochihua.

In Cenneyolmelahualoni.

Nehúatl nitlátlacoani ninoyolcuitia ixpantzinco in Cenhuelitini Dios, in quemmach ami cemicac Ichpotzintli Santa María, in quemmach ami San Miguel Arcángel, in quemmach ami San Juan Bautista, in quemmach amique Apostolome

San Pedro ihuan San Pablo, in ye nochintin in Santome, noi huan in teúatzin, Notatziné, ipampa ca cenca huel onitátlaco tlalnamiquliztica, tlátoltica ihuan tlachihualtica. Auh zan ic ipampa nicmotla-tlauhtilia in quemmach ami cemicac Ichpotzintli Santa María, in quemmach ami San Miguel Arcángel, in quemmach ami San Juan Bautista, in quemmach amique Apostolome San Pedro ihuan San Pablo, in ye nochintin in Santome, noi huan in te húatzin, Notatzine, inic nopampa ticmotlatlanhtiliz in Totecuiyo Dios. Ma ih mochi hua.

Ma cenquizca yectenehualo in Santísimo Sacramento, in ipam Altar moetzinotica, ihuan ichipauhca nenacayotilitzin in cemicac ichpotzintli Santa María, in itetzinco amo oacic in tlátlacol peuhca-yotl.—*Ma ih mochi hua.*

FIN.

zintli?

(Faint, mirrored text, likely bleed-through from the reverse side of the page)

(Decorative border surrounding the text)

Librería Moderna

Y CASA EDITORIAL DE

Aguilar Mendoza y Compañía.

EN ESTA CASA

Se encuentra un completo surtido de escogidas y bonitas canciones. Colección de cuentos morales para los niños. Colección de correspondencia epistolar de los amantes. Secretos de la Naturaleza. Colección de recetas de los mas exquisitos gustos. Colección de felicitaciones y brindis. Recuerdos de Bernardo Gaviño, rasgos biográficos de su vida y trágica muerte por el toro "Chicharrón" y modelo de la cabeza de este toro que se conserva en México.

Ponciano Diaz

Rasgos biográficos de este valiente y arrojado torero mexicano y versos y canciones populares dedicadas á él.

PRECIO.....MEDIO REAL.

ARTE DE TOREAR. Tratado de tauromaquia, obra utilísima para los toreros de profesión, para los aficionados y en general para todos los que gustan de toros, por José Delgado (á) Hillo, primera edición mexicana aumentada con las suertes al estilo del país, el manejo de la reata y el jirapeo; añadida con un vocabulario alfabético de los nombres propios de la tauromaquia, para la mejor comprensión de las suertes.....DOS REALES.

zintli?

ORACIONES DEL CRISTIANO.

Por la señal + de la santa cruz, de nuestros santos ángeles, ángeles, Señor, + Dios nues-

CATECISMO ABREVIADO 12

DE LA

DOCTRINA CRISTIANA

POR EL P.BRO.

F. Régis Planchet.

Aprobado por 19 Prelados.

5ª EDICIÓN.

MEXICO.

LIBRERIA DE C. BOURET,
Calle del Cinco de Mayo, 14.

1898.